



Broj:01/1-1460/23-2

Sarajevo, 15.05.2023.godine

ZAPISNIK

sa sastanka Kolegija Univerziteta u Sarajevu-Šumarskog fakulteta

održanog 15.05.2023. godine sa početkom u 14,00 sati

PRISUTNI:

- Prof.dr Ahmet Lojo, dekan Fakulteta,
- Prof.dr Ćemal Višnjić, šef Katedre za uzgajanje šuma i urbanog zelenila,
- Prof.dr Muhamed Bajrić, prodekan za NIR i finansije,
- Doc.dr Dino Hadžidervišagić, prodekan za nastavu i kabinet opštih predmeta i zamjenik šefa katedre za Iskorištavanje šuma, projektovanje i građenje u šumarstvu i hortikulturi,
- Doc.dr Dženan Bećirović, predstavnik katedre za Ekonomiku, politiku i organizaciju šumarstva i urbanog zelenila,
- Prof.dr Tarik Treštić, šef katedre za Zaštitu šuma i urbanog zelenila i lovno gospodarenje,
- Prof.dr Sead Vojniković, šef katedre za Ekologiju šuma i urbanog zelenila,
- Prof.dr Besim Balić, šef katedre za Uređivanje šuma i urbanog zelenila i
- Doc. dr Alma Hajrudinović-Bogunić, docent.

ODSUTNI:

- Prof.dr Dalibor Ballian, prodekan za međunarodnu saradnju.

Na sjednici je dnevni red dopunjen sa jednom tačkom (tačka broj 5), te jednoglasno usvojen sljedeći

Dnevni red

1. Razmatranje uslova za prijem i upis kandidata u prvu godinu drugog ciklusa studija na oba odsjeka (Šumarstvo-Održivo upravljanje šumskim ekosistemima i Hortikultura-Pejsažna arhitektura) na Univerzitetu u Sarajevu-Šumarskom fakultetu.
2. Konkursi za naučno-istraživačke projekte, Federalno ministarstvo obrazovanja i nauke i Ministarstvo privrede Kantona Sarajevo.
3. Formiranje ureda za kvalitet.
4. Informacije:
 - status izgradnje nastavnih objekata
 - a) Igman Čavle
 - b) Arboretum
 - Pravilnik o zaštiti na radu

5. Zahtjev magistra biologije-mikrobiologije Sajre Redžović za sticanje prvog radnog iskustva, a preko programa sufinansiranja pod nazivom „Tražim poslodavca 2023. godina“.

Tok sjednice i zaključci:

Ad 1.

Prodekan za nastavu kao i ostali prisutni su prezentovali saznanja iz istraživanja uslova za prijem i upis kandidata u prvu godinu drugog ciklusa studija na drugim organizacionim jedinicama Univerziteta u Sarajevu, kao i na univerzitetima u susjedstvu.

Nakon analize više prijedloga jednoglasno je usvojeno da se u iznosu od 80% boduje opći uspjeh kandidata, a 20% kompatibilnost predmeta sa studijskim programom šumarstva, te se u skladu sa navedenim upis u prvu godinu drugog ciklusa studija na oba odsijeka (Šumarstvo-Održivo upravljanje šumskim ekosistemima i Hortikultura-Pejsažna arhitektura) na Univerzitetu u Sarajevu-Šumarskom fakultetu otvara za sve zainteresovane bez obzira koji su studij završili na prvom ciklusu.

Navedeni zaključak biće prezentovan i razmatran i na sjednici Vijeća fakulteta koja je zakazana za četvrtak 18.05.2023. godine.

Ad 2.

Dekan je upoznao prisutne da je Federalno ministarstvo obrazovanja i nauke objavilo konkurs za projekte, te da u navedenom nisu postavljeni ograničavajući uslovi. Zbog toga je potrebno u narednih sedam dana najaviti sa koliko ćemo projekata aplicirati.

Prema konkursu koje je objavilo Ministarstvo privrede Kantona Sarajevo možemo aplicirati sa maksimalno dva projekta u vrijednosti do 30 000 KM. Zbog toga je prijedlog dekana da jedan projekat planiramo kako bi obezbijedili sredstva ta održavanje najavljene konferencije, a za drugi napraviti dogovor kao što se uradilo i u predhodna dva projekta kako bi naši asistenti koji su na trećem ciklusu studija obezbijedili što više novca za potrebe istog. U navedenom projektu treba dodatno računati angažman nove asistentice mr. Amine Karišik.

Ad 3.

Prema dobijenim upitama sa Univerziteta imenovali smo Odbor za kvalitet, te je potrebno imenovati i članove Ureda za kvalitet. Kako bi se navedeno zadovoljilo potrebno je uposliti novog radnika zbog čega se mora pokrenuti postupak izmjene Pravilnika o unutrašnjoj organizaciji i sistematizaciji radnih mjesta na Univerzitetu Sarajevu-Šumarskom fakultetu broj: 02-17-7-1/22 od 14.07.2022. godine.

Dok se ne realizuje navedeno jednoglasno je usvojeno da Ured za kvalitet predstavljaju svi prodekani i mr. Kanita Botulja, stručni saradnik za studentska pitanja, kao osoba odgovorna za administrativne aktivnosti navedenog tijela.

Ad 4.

Dekan je upoznao prisutne sa statusom izgradnje nastavnih objekata:

- a) za nastavni objekat Igman "Čavle" smo dobili građevnisku dozvolu. Čekamo da nam se prebace sredstva, te planiramo da bi projekat rekonstrukcije i izgranje istog mogao početi još početkom jula mjeseca obzirom da se treba realizovati preko Plana nabavki za 2023. godinu,
- b) na Arboretumu danas počinju radovi.

Potrebno je izraditi Pravilnik o zaštiti na radu koji takođe zahtijeva poziciju referenta zaštite na radu, te podrazumijeva izmjenu Pravilnika o unutrašnjoj organizaciji i sistematizaciji radnih mjesta na

Univerzitetu Sarajevu-Šumarskom fakultetu. Takođe se od nas traži da izvršimo procjenu da li ćemo biti dio integrisane nabavke koja će podrazumijevati procjenu uslova na radu za svako radno mjesto, a za šta ne posjedujemo stručnost. Zbog navedenih nedoumica po ovom pitanju čekamo dalje upute Univerziteta u Sarajevu koje su nam rekli dostaviti.

Takođe je dogovoreno da će se organizovati odlazak na konferencije u Goražde i Čapljinu.


Ad 5.

Jednoglasno je odlučeno da se Zahtjevu magistra biologije-mikrobiologije Sajre Redžović za sticanje prvog radnog iskustva, a preko programa sufinansiranja pod nazivom „Tražim poslodavca 2023. godina“ udovolji, te da preko navedenog programa tražimo čak i pet pripravnika, po jednog za svaku katedru.

Sastanak je završen u 16.10 sati.

Zapisnik vodila

Aldijana Bilajac, dipl. iur, stručni saradnik za pravne i administrativne poslove



DEKAN

Prof. dr Ahmet Lojo

Dostaviti:
-a/a Kolegija
-Katedrama